

12 VOŠ



List Osnovne škole "Sokolje"
broj 18
juni 2024.

RAZGOVOR S POVODOM



**VEZIRA KORČIĆ-JABUČAR
SEKRETAR ŠKOLE**

IZVOR: Ko je Vezira Korčić-Jabučar?

Vezira Korčić-Jabučar po obrazovanju i zvanju je diplomirana pravnik. Privatno, vrlo sam porodična osoba, pa me u tom smislu krasi najljepše titule kćerke, supruge, mame Omara i Une, sestre 2 puta, tetke 5 puta.

IZVOR: Šta je posao sekretara škole?

Odgovor na ovo pitanje teško da bi mogao stati u rečenicu-dvije a koje

bi bile dovoljno jasne i prihvatljive učenicima osnovne škole. Ukratko, sekretar škole obavlja pravne i poslove od značaja za rad i unutrašnju organizaciju škole, dakle obavlja normativno-pravne, statusno-pravne, poslove iz oblasti radnih odnosa i dr.

IZVOR: Šta bi ste bili da niste sekretar?

Sekretar je radno mjesto, a budući da sam ja po zanimanju diplomirana pravnik vjerovatno bih se bavila pravom u nekoj drugoj oblasti i instituciji. Vjerovatno bih se bavila krivičnim pravom.

IZVOR: Da li su učenici upoznati sa radom sekretara škole?

Nažalost, učenici osnovne škole nikako nisu upoznati sa radom sekretara škole.

IZVOR: Šta je za vas obrazovanje?

Za mene je obrazovanje osnovna ljudska potreba, uz zdravu porodicu temelj svakog naprednog društva.

IZVOR: Koja sjećanja nosite iz osnovne škole?

Moja sjećanja na osnovnu školu su vrlo posebna. Iako sam osnovnu školu završavala za vrijeme agresije na Bosnu i Hercegovinu, u okupiranoj Dobrinji, nosim emotivna sjećanja na snažno drugarstvo i nevjerovatnu povezanost sa našim učiteljima i nastavnicima koji su nam nesebično prenosili znanje u nemogućim uslovima.

IZVOR: Šta biste poručili učenicima?

Poštujte i slušajte svoje roditelje i svoje učitelje/nastavnike, čuvajte i njegujte moral, poštenje, uvijek govorite istinu, budite zahvalni na svakom danu u kojem ste živi i zdravi i okruženi onima koje volite i koji vole vas.



Izvor u novom broju:

<i>Intervju sa sekretarom škole</i>	2
<i>Pozdrav iz redakcije</i>	3
<i>Maturanti</i>	4
<i>Sigurnost djece u digitalnom okruženju</i>	6
<i>Prevenција maloljetničkog prijestupništva</i>	7
<i>Aktivnosti i projekti</i>	8
<i>Likovni kutak</i>	16
<i>Posjetili smo</i>	18
<i>Obilježili smo</i>	20
<i>Uspjesi i nagrade</i>	22
<i>Bosanski jezik</i>	26
<i>Abdulah Sidran</i>	27
<i>Zabavnica</i>	28
<i>Predstavljamo sekcije</i>	30

IMPRESUM

IZVOR

Školski list JU OŠ "Sokolje"
Numan-paše Ćuprilića 25
www.ossokolje.edu.ba
e-mail:ossokolje@osokolje.edu.ba

Urednik: Arijana Alispahić

Redakcija: Emina Baručija-Subašić, Edisa Čolaković-Alajmović, Zulejha Kopic, Muhamed Šetić, Idmira Šabanović

Redakcijski odbor učenika: Delila Maslo, Berina Baljić, Lamija Dedović

Naslovna strana: Lejla Hidić-Elezović

Pozdrav iz redakcije

PRAVDINA PJESMA PRVA

Od rođenja do osamnaeste,
Budi dijete-zavoli zvijezde,
A u duši budi dijete do vijeka
I tako ćeš biti veliki Čovjek.

Od rođenja-do mladosti lijepe,
Budi malo veliko dijete.
Dok u duši, u sreći, u mašti,
Rastu tvoji snovi kristalasti.

Od rođenja - do kraja života
U tvom srcu nek' cvjeta ljepota.
U ljepoti neka se ogleda
Čitav svijet na licu djeteta.

OD ROĐENJA DO ČOVJEKA
PREĐI PUT - OD SNA DO ZVIJEZDA.

Velimir Milošević

SRETAN 18. ROĐENDAN

Maturanti



IX-1

Ahmetagić Eman, Brgulja Ajsel, Čavkušić Adin, Dautović Dino, Džindo Hasib, Gabela Nejla, Gljiva Aida, Hamzić Hana, Herac Sajra, Homoraš Lamija, Jugović Eldin, Jusupović Ahlimana, Kasapović Ahmed, Korda Sara, Lagumdžija Adna, Oglečevac Meldin, Omeragić Ahmedin, Palić Ajla, Pleh Inela, Podrug Almasa, Pojata Neila, Smajić Amer, Škulj Dalila, Tiro Aida, Žigo Alden

Razrednica: Amra Bajrić



IX-2

Avdić Alan, Begić Arnel, Berbo Arnel, Brgulja Ajna, Dolovac Ahmed, Đozo Aldijana, Kasapović Islam, Kurtović Inel, Lilić Sara, Memić Lamija, Mulaosmanović Almedina, Omanović Džejla, Omeragić Nejla, Radoović Kenan, Rizvić Benjamin, Sadiković Kenan, Salispahić Amina, Sijerčić Vedad, Sinanović Naida, Tanović Besim, Vatreš Emina, Zuban Sumeja

Razrednica: Elma Hodžić

Maturanti



IX-3

Alagić Emina, Anđelića Nejlja, Avđagić Nađa, Avdić Benjamin, Ešpić Džejna, Gazibara Ermina, Habibović Vildana, Halilović Hamza, Isaković Hena, Išerić Hamza, Jašarević Alem, Karić Vedad, Kobilica Salih, Mališević Esmā, Mršo Saira, Mujčo Emin, Mujezinović Tarik, Murtić Amna, Ramić Arman, Salihović Adna, Sirčo Amel, Sirčo Amer, Šljivo Emin, Žunić Merjem

Razrednice: Enisa Grebić, Lejla Podbićanin i Lejla Herak

EKSKURZIJA

**SARAJEVO-TRAVNIK-JAJCE-BIHAĆ-ZAGREB-BOSANSKA KRUPA-
BANJALUKA-SARAJEVO**



SIGURNOST DJECE U DIGITALNOM OKRUŽENJU

21.9.2023.

Kao produkt saradnje MUP-a KS i stručne službe škole, danas je u našoj školi realizovan čas "Sigurnost učenika u digitalnom okruženju" za učenike od VI do IX razreda. Temu je realizovala Marina Pašić, policajka angažovana na implementaciji projekta "Rad policije u zajednici".

30.11.2023.

Danas je na času odjeljene zajednice u VII-4 policajka Marina Pašić realizovala predavanje na temu: "Sigurna škola-nulta stopa tolerancije na nasilje". Predavanju su prisustvovali razrednica Hurija Nalo i socijalna radnica Emina Šljivo.

6.12.2023.

U našoj školi održano je predavanje za učenike predmetne nastave na temu: "Zaštita djece u digitalnom okruženju-Cyber nasilje". Predavač je bio Vahidin Đaltur, stručnjak za cyber sigurnost i vještak za digitalnu forenziku.



7.12.2023.

U četvrtak, 7.12.2023.godine u 18:00 sati, uz podršku Vijeća roditelja škole realizovana je edukacija za roditelje na temu "Zaštita djece u digitalnom okruženju". Predavanje je realizovao Saša Petrović, istražitelj Federalne uprave policije i stručnjak za cyber kriminal.



11.1.2024.

U našoj školi realizovano predavanje za zaposlenike škole. Tema je bila "Cyberbullying-Online nasilje, nasilje koje se ne smije zanemariti". Realizator predavanja je stručni savjetnik KJU "Porodično savjetovište" Amer Šenderović, dipl. socijalni radnik.



PREVENCIJA MALOLJETNIČKOG PRIJESTUPNIŠTVA

U okviru projekta „Prevenција maloljetničkog prijestupništva” u partnerstvu sa Općinom Novi Grad u mjesecu aprilu 2024. godine realizovana je radionica pod nazivom „Nasilje nije hrabrost”. Učesnici radionice, kao vršnjački edukatori su bili učenici VI, VII i VIII razreda. Oni će istu realizovati u svojim odjeljenjima, na časovima OZ. Cilj radionice je ukazati na različite oblike nasilja i načine na koje nasilje može uticati na žrtvu. Također i podići svijest učenika o vlastitoj odgovornosti u ponašanju prema drugima, te ih uputiti na relevantne adrese za traženje pomoći. Jedna od adresa je i Plavi telefon, savjetodavna linija koja se bavi pružanjem psihološke pomoći i podrške djeci i omladini.

Pobliže o Plavom telefonu nas je upoznala učenica IX razreda Neja Omeragić, inače članica Dječijeg parlamenta Općine Novi Grad. Radionice su realizovale psiholog Rasema Hasanspahić i Emina Šljivo, socijalni radnik škole.



U okviru projekta „Prevenција ovisnosti u školskom okruženju” u gostili smo Admira Vatreša, inspektora u FUP Ilidža. On je za učenike VIII razreda održao predavanje na temu: “Ovisnost”. Cilj predavanja je osnaživanje u prevenciji rizičnih oblika ponašanja kod djece i povećanja svijesti učenika o rizičnim i zaštitnim faktorima vezanim za korištenje različitih sredstava ovisnosti.



Učenici II i III razreda su u saradnji sa roditeljima i učiteljicama Eminom Baručija-Subašić i Samrom Lončar realizovali kreativnu radionicu. Na radionici su izrađivali čestitke i pravili predmete koje su ukrašavali dekupaž tehnikom. Radionica je realizovana kroz programske aktivnosti projekta “Prevenција maloljetničkog prijestupništva”, s ciljem kvalitetnog popunjavanja i provođenja slobodnog vremena, te promoviranja prijateljstva i timskog rada.



Aktivnosti

Prijem prvačića

1.9.2023.

U našoj školi upriličen je svečani doček za naših 85 đaka - prvaka. Učenici su uživali u programu koji su za njih pripremili njihovi drugari iz viših razreda i učiteljice.

Dobrodošlicu i sretan početak novoj generaciji prvačića poželjela je i direktorica škole Lejla Podbićanin. Nakon programa učenici su prvi put sjeli u svoje školske klupe, gdje su ih dočekali pokloni. Dragi prvačići, sretan vam početak!



Prvačići sretno!

7. 9. 2023.

I ove godine, povodom polaska u školu oko 1300 novogradskih prvačića, Općina Novi Grad je organizovala manifestaciju „Prvačići, sretno!“. Manifestacija je održana u Centru „Safet Zajko“, gdje su mališani uživali u druženju. Zahvaljujemo se Općini Novi Grad koja je obezbijedila prvačićima pribor i ruksake za uspješan početak.



Historijski čas

14.9.2023.


Povodom obilježavanja 31. godišnjice formiranja 2. viteške brigade za učenike novogradskih škola planirano je učešće na 15. tradicionalnom maršu "Stazama 2. viteške brigade". Radi loših vremenskih uslova marš je odgođen, a za učenike je u holu škole realizovan historijski čas.



Dan učitelja

5.10.2023.

Učenici naše škole obilježili su 5. oktobar - Dan učitelja izložbom likovnih radova u holu škole. Predstavnici Vijeća učenika su nastavnom osoblju čestitali poklon čestitkom koju su sami izradili.



i projekti

Mađioničarska predstava 12.10.2023.

U našoj školi gostovao je mađioničar Vezir. Učenici su uživali i zabavili se uz sjajne trikove mađioničara, koji je zadivio i nasmijao naše najmlađe učenike, ali i one starije.

Projekat "Moja kosa, tvoja kosa" 15.10.2023.

U sklopu projekta "Moja kosa, tvoja kosa" Udruženje "Srce za djecu oboljelu od raka" organizovalo je akciju šišanja i doniranja kose za potrebe izrade perika za djecu oboljelu od raka. Učenici naše škole Ajdin Gušo, Zara Herak, Dajla Hajrić i Ajra Velić dali su svoj doprinos i podršku ovom projektu.

Radionica za nastavnike 30.10.2023.

Tim za podršku kojeg čine nastavnica naše škole Sanela Karović, zatim Mirela Suljagić-Omerhodžić, Nermina Usejnovski, Selma Gotovac, Selma Budevac, Mahir Mališević i Nedžad Halilović u našoj školi održali su dvije radionice za nastavnike implementatore predmetnih kurikuluma. Fokus radionica bio je pisanje pripreme za čas realizovan po ishodima učenja.




Škola u prirodi 1.11.2023.

Škola u prirodi za učenike IV razreda realizovana je u Blagaju. Učenici su posjetili Jablanicu, Mostar, Vrelo Bune, Nekropolu stećaka Radimlja Stolic, Kravice i Počitelj.



Predavanje "Izazovi u inkluzivnom obrazovanju" 2. 11. 2023.

U našoj školi realizovano je predavanje za zaposlenike škole. Tema je bila "Saradnja škole i roditelja djece sa teškoćom u razvoju-Izazovi u inkluzivnom obrazovanju". Realizator predavanja je dr.sc. Elvira Mujkanović.



Aktivnosti

Književni susret
7.11.2023.

Naša škola ugostila je književnicu Elmiru Helać-Mekić i učitelja Sabita Agića. Učenici II i IV razreda su uživali u promociji čitanja i knjiga koje govore o aktuelnim temama. Kroz lutkarsku predstavu, muziku, ples, igru i knjigu, naši gosti su probudili dječiju maštu, želju za čitanjem i novim saznanjima.



Predavanje "Put svile"
21.11.2023.

Publicista i putopisac Edib Kadić je u našoj školi realizovao predavanje "Put svile" za učenike VII i IX razreda. Kroz zanimljivo i uzbudljivo putovanje učenici su na novi način doživjeli teme iz oblasti geografije, historije, književnosti, ali i likovne i muzičke umjetnosti i kulture.

Kviz "Moja domovina"
22.11.2023.

Povodom obilježavanja Dana državnosti Bosne i Hercegovine nastavnik geografije Muamer Dolovac je organizovao kviz znanja za učenike VIII razreda. Osmaši su pokazali zavidno znanje o historiji, geografiji i bogatoj kulturi i tradiciji naše domovine. Pobjednici su ekipa VIII-3.



Svjetski dan televizije
22.11.2023.

Učenici V-1 sa nastavnicom Hurijom Nalo, na času Osnove tehnike, obilježili su Svjetski dan televizije. Učenici su ilustrovali svoje omiljene televizijske sadržaje, te poslali zanimljive poruke o televiziji. U izradi TV prijemnika učešće su uzeli i učenici VII razreda.

Svečana akademija povodom obilježavanja Dana državnosti BiH
23.11.2023.

Učenici i uposlenici naše škole nizom aktivnosti su obilježili veoma značajan datum u historiji naše domovine-Dan državnosti. Na svečanoj akademiji gosti naše škole prof.dr. Edin Radušić i dr.sc. Erma Ramić-Kunić govorili su o državnosti, posebnosti i jedinstvenosti naše domovine, bogatoj kulturi ali i burnoj historiji. Učenici su stihom, pjesmom i dramskim performansom prikazali kontinuitet državnosti, suvereniteta i jedinstvenosti naše domovine.



i projekti

Škola plivanja
30.11.2023.

U periodu od 27.11. do 30.11.2023. godine realizovan je projekat *Škole plivanja*. Naši učenici IV razreda uspješno su završili školu plivanja i savladali osnovne tehnike plivanja.

Radionica "Influenseri"
30.11.2023.

Učenici VIII razreda učestvovali su na edukativnoj radionici na temu "Influenseri". Radionica je organizovana u sklopu projekta "Youth 4 Inclusion, Equality & Trust" koji provodi Institut za društvena istraživanja Fakulteta političkih nauka u Sarajevu. Učenici su razgovarali o tome na koji način razumiju društvene mreže, koje su prednosti mane mreža, ko su influenseri i da li imaju uticaj na mišljenja i stavove omladine. Radionicu su realizovale bibliotekarka Arijana Alispahić i nastavnica Ildmira Šabanović. Gost na radionici bila je Emina Adilović ispred Instituta za društvena istraživanja.

Svjetski dan borbe protiv AIDS-a
1.12.2023.

Povodom 01. decembra članovi Ekološke sekcije sa nastavnicama Aminom Balaš i Sanelom Skenderi su pripremili prigodne letke i izradili crvene trakice za sve učenike i uposlenike. Crvena trakica je simbol borbe protiv SIDE/AIDS-a od 1991. godine. Na ovaj način učenici su htjeli doprinijeti podizanju svijesti o epidemiji, poticanju napretka u prevenciji i liječenju HIV/AIDS-a, te iskazati podršku.

Obilježavanje 31. godišnjice bitke za odbranu
Naselja Heroja Sokolje
2.12.2023.

Naša škola bila je domaćin obilježavanju 31. godišnjice bitke za odbranu Naselja Heroja Sokolje. Razvijamo patriotizam i osjećaj ljubavi prema svojoj domovini. Na taj način ćemo najbolje doprinijeti budućnosti i razvoju naše domovine.



Hour of Code
8.12.2023.

Učenici naše škole od V do IX razreda sa nastavnicama informatike i tehničke kulture učestvovali su u *Satu kodiranja*. Cilj je potaknuti učenike osnovnih škola u razvijanju digitalnih vještina koje su im potrebne sada ali i u budućnosti.

Međunarodni dan čaja
15.12.2023.

Mladi ekolozi su sa učiteljicom Zulejhom Kopic obilježili Međunarodni dan čaja. Učenici su uz predavanje o čajevima, ljekovitom bilju i zdravlju, istraživali zanimljivosti o čajevima. Saznali su da se u svijetu dnevno popije oko 3 milijarde šoljica čaja. Pravili su čaj od raznog bilja i uživali pijući zdravi napitak. Mladi ekolozi poručuju: „Čaj ima veoma dobre učinke na ljudsko zdravlje i zato ga treba piti!”

Aktivnosti

Nijedno dijete bez paketića 22.12.2023.

I ove godine naša škola se uključila u akciju Udruženja “Ruku na srce” koje je pokrenulo i realizovalo akciju prikupljanja igračaka i slatkiša pod nazivom “Nijedno dijete bez paketića”. Ponosni smo na naše učenike, posebno na našu bivšu učenicu Aminu Bahtanović koja već dugo vrijedno radi na humanitarnim projektima i u svojoj plemenitoj misiji ne zaboravlja našu školu.

Dječiji parlament 27.12.2023.

Predstavnici Vijeća učenika naše škole prisustvovali su obilježavanju deset godina rada i djelovanja Dječijeg parlamenta Općine Novi Grad. Učenica IX razreda Nejla Omeragić učestvovala je u prezentaciji desetogodišnjeg rada. Upriličena je i dodjela zahvalnica. U ime naše škole zahvalnicu je primila Armina Bukvić, pomoćnica direktorice škole.



Radionice “Pomaganje i hrabrost” 28.12.2023.

Tokom mjeseca decembra Aktiv I razreda je sa učenicima realizovao radionice na temu “Pomaganje i hrabrost”. Cilj aktivnosti je pomaganje djeci da razviju širok spektar vještina i osobina koje će im biti korisne u stvarnom životu kao i razumijevanje važnosti pomaganja drugima.



Dan sigurnijeg interneta 6.2.2024.

Učenici naše škole obilježili su Dan sigurnijeg interneta – “Zajedno za bolji internet!” s ciljem promovisanja sigurne i odgovorne upotrebe digitalnih tehnologija. Učenici su sa svojim nastavnicima realizirali aktivnosti kojima se promoviše odgovorno i sigurno igranje igara na mobilnim uređajima.



Dan nezavisnosti Bosne i Hercegovine 29.2.2024.

Povodom Dana nezavisnosti Bosne i Hercegovine u našoj školi održana je prigodna svečanost pod nazivom “Domovina-to je sreća”. Svečanosti su prisustvovali učenici, roditelji, nastavnici, te prijatelji i gosti škole.



i projekti

Radionice "Fondovi budućnosti"

7.3.2024.

Aktiv prvog razreda realizovao je radionice "Fondovi budućnosti". Teme su bile: "Štednja" i "Darivanje". Cilj radionica je bio da učenici razviju zdrave navike štednje i upravljanja novcem, da budu ljubazni, velikodušni, te da razvije emocionalnu i socijalnu inteligenciju.



Radionica "Ko smo kroz spomenike"

7.3. 2024.

U našoj školi realizovana je radionica "Ko smo kroz spomenike" kao dio posebnog programa "Kultura sjećanja". Radionice sa učenicima III razreda realizovala je Melika Šarić, profesorica historije i spoljni saradnik Instituta za razvoj preduniverzitetskog obrazovanja.

Škola roditeljstva

7.3.2024.

U okviru Programa "Škola roditeljstva" u našoj školi realizovano je pet radionica za roditelje naših učenika. Radionice su realizovale pedagog Aida Bešić i psiholog Rasema Hasanspahić. Program Škole roditeljstva implementira se uz podršku Ministarstva za odgoj i obrazovanje i Instituta za razvoj preduniverzitetskog obrazovanja.



Dan žena

8.3. 2024.

Predstavnici Vijeća učenika su na prigodan način uposlenicama škole čestitali 8. mart, Međunarodni dan žena. U potpunosti su im ovaj poseban dan cvjetnim kreacijama, koje su samostalno izradili, uz poruke ljubavi i podrške.

Svjetski dan osoba sa Down sindromom

21.3.2024.

Cilj obilježavanja je upoznati svijet s Down sindromom i pri tome podstaci ljude da više poštuju prava osoba sa Downovim sindromom. Trudimo se našim prijateljima s Downovim sindromom dati do znanja da su ravnopravni i prihvaćeni u društvu. Simbol današnjeg dana su šarene čarape. Naši najmlađi su odlučili da vas pozovu da zajedno obojimo svijet bojama tolerancije, međusobnog uvažavanja i ljubavi.



Aktivnosti


Svjetski dan svjesnosti o autizmu
2.4.2024.

Svjetski dan svjesnosti o autizmu se obilježava od 2008. godine s ciljem podizanja svijesti o autizmu i potrebi razumijevanja i podrške osobama s autizmom. Obilježavanje ovog dana je važno jer pomaže u uklanjanju predrasuda o osobama s autizmom kao i u educiranju društva o različitim načinima na koje se mogu podržati osobe s autizmom. Važno je osvijestiti da su osobe s autizmom dio našeg društva i da podrška i razumijevanje okoline mogu imati značajan uticaj na život osoba s autizmom. Naši najmlađi, učenici I-3 i I-4 na Svjetski dan svjesnosti o autizmu poručuju: "Budi moj prijatelj."
#goblue



Pokloni za naše učenike
9.4.2024.

Našu školu posjetio je Ammar Kulo, zaljubljenik u lijepu pisanu riječ, i tom prilikom predstavio svoju knjigu "Ratno djetinjstvo". Njegova zbirka priča je svjedočanstvo jednog vremena, podsjetnik svima nama koliko je bosanskohercegovački čovjek hrabar, snažan i ponosan. Ammar Kulo je našim učenicima i školskoj biblioteci darovao zbirku priča "Ratno djetinjstvo".



Škola planinarenja
22. 4. 2024.

U okviru Škole planinarenja, učenici VII razreda realizovali su tri planinarska pohoda: u oktobru na Trebević, u novembru pohod na Bjelašnicu, i u aprilu na Igman.



23. 4. 2024.
Svjetski dan knjige

Povodom Svjetskog dana knjige grupa učenika VIII razreda u pratnji bibliotekarke Arijane Alispahić i nastavnice Ildire Šabanović posjetila je Muzej književnosti i pozorišne umjetnosti. Učenici su imali priliku upoznati se sa književnim i pozorišnim zbirkama, vidjeti originalne rukopise, lične dokumente i predmete poznatih bosanskohercegovačkih književnika.



i projekti

FEDU-Književno-kreativna čitaonica 9. 5. 2024.

U okviru Festivala dječije umjetnosti čiji je pokrovitelj Općina Novi Grad, u našoj školi realizovana je književno-kreativna čitaonica i druženje sa dječijim piscem. Učenici od I do IV razreda su uživali u druženju i razgovoru sa dječijim piscem Fahrudinom Kučukom.



Dan Mjesne zajednice "Naselje heroja Sokolje" 9. 5. 2024.

Danas je upriličena svečanost povodom obilježavanja Dana MZ "Naselje heroja Sokolje". Načelnik Općine Novi Grad Semir Efendić, predstavnici boračkih udruženja i Mjesne zajednice položili su cvijeće na spomen-obilježje. Učenici naše škole učestvovali su u realizaciji kulturno-umjetničkog programa. Nakon programa održana je svečana sjednica Savjeta MZ "Naselje heroja Sokolje". Posebno smo sretni što je naša lokalna zajednica prepoznala zalaganje, trud i rad našeg kolege, nastavnika Šetić Muhameda i dodijelila mu zahvalnicu za doprinos, pomoć i saradnju koju pruža zajednici, te za izvanredne rezultate koje postiže sa učenicima na svim nivoima takmičenja iz svih sportova.

Posjeta Srebrenici 20.5.2024.

U organizaciji Općine Novi Grad učenici IX razreda naše škole su posjetili Memorijalni centar „Potočari“ u Srebrenici. U okviru ove posjete učenici su posjetili mezarje, obišli bivšu fabriku akumulatora u kojoj su bili zatočeni Bošnjaci u Srebrenici. Nakon toga prisustvovali su projekciji filma u kojem su prikazani video snimci napravljeni u julu 1995. godine. Na kraju, učenici su pogledali izložbu o genocidu u Muzeju u okviru Memorijalnog centra.

Posjeta Tunelu spasa 22.5.2024.

Učenici osmog razreda, u pratnji razrednika, posjetili su Spomenički kompleks "Tunel D-b", poznat kao "Tunel spasa", gdje su imali priliku vidjeti improvizirani objekat koji je tokom agresije na našu zemlju značio život za stanovnike opkoljenog Sarajeva i saznati više informacija o dešavanjima iz tog perioda. Učenici su pogledali i autentične rekvizite korištene u ratnom periodu, a održano je i predavanje o značaju tunela za preživljavanje i opstanak građana i odbranu grada Sarajeva tokom agresije.

Projekat "Udahnimo čist zrak!" 23.5.2024.

Projekat "Kvalitet zraka u KS" rezultat je zajedničkog rada naših nastavnika fizike (Sanela Karović), biologije (Sanela Skenderi i Amina Balaš), geografije (Eldin Crnčević), hemije (Amna Jašarević), islamske vjeronauke (Zijad Okanović), matematike (Amna Jažić) i razredne nastave (Ajsela Bibuljica i Almedina Musić). Nastavnici su se udružili s ciljem podizanja svijesti o važnosti čistog zraka i utjecaju koji kvaliteta zraka ima na naše zdravlje i okoliš. Kroz naš projekat istraživali smo i analizirali kvalitet zraka u različitim dijelovima Kantona Sarajevo koristeći različite metode mjerenja i prikupljajući podatke tokom određenog razdoblja. Naš cilj je bio sagledati trenutno stanje i razumjeti uzroke zagađenja zraka te predložiti moguća rješenja za poboljšanje situacije.

LIKOVNI KUTAK



Amar Vahida I-1



Ema Maslo IV-1



Rialda Alajbegović VIII-1



Ilma Begić III-2



Vedad Sijerčić IX-2



Elma Karaman VII-2



Sara Korda IX-1



Ahmed Dolovac IX-2

LIKOVNI KUTAK



Esmališević IX-3



Halima Arnautović II-3



Jahja Poljak VII-2



Irfan Čelebić VI-2



Almedina Bešo I-4



Lamia Devedžija I-3



Lamija Mehić V-1



Zana Đuliman VIII-3

POSJETILI SMO



POSJETILI SMO




SARAJEVO



Sarajevo



SAJAM
MINERALA
KREŠEVO



NOALAND
BUGOJNO



FEDERALNI
HIDROMETEOROLOŠKI
ZAVOD SARAJEVO



RADIO BIR



Obilježavanje Dječije nedjelje 1.10.2023.

Ponosni smo na dugogodišnju saradnju sa Centrom za slušnu i govornu rehabilitaciju Sarajevo.

Ove godine odlučili smo da zajedno obilježimo Dječiju nedjelju. Ugoštiti smo učenike nižih razreda Centra, u pratnji učiteljice Belme Hamzić, defektologa Edine Ridžal i asistentice Melite Čano-Kričančić. Učenici II razreda naše škole, zajedno sa učiteljicom Eminom Baručija Subašić, Arminom Bukvić i Arijanom Alispahić i direktoricom škole Lejlom Podbićanin uživali su u druženju sa drugarima. Kroz igru, sportske aktivnosti i smijeh sklopila su se nova prijateljstva, te smo svi zajedno obećali da ćemo nastaviti druženje i saradnju.



Dan jabuke 20.10.2023.

Učenici od I do V razreda zajedno sa svojim učiteljicama i nastavnicama Sanelom Skenderi i Aminom Balaš, kroz različite aktivnosti i radionice obilježili su Dan jabuke. Na ovaj način podsjetili su da je jabuka "kraljica voća" i jedna od najzdravijih voćnih vrsta neophodna u našoj svakodnevnoj ishrani.



Svjetski dan tablice množenja 7.10.2023.

Naši učenici su i ove godine obilježili Svjetski dan tablice množenja. WMTD je aktivnost koja je nastala na inicijativu poljskog matematičara A. Grabowakog, a za cilj ima popularizirati matematiku i zabavni oblik učenja matematike.

Na zabavan i netipičan način učenici su ponovili i utvrdili tablicu množenja, rješavajući vremenski ograničene matematičke kartice, puzzle, kvizove, logičke zadatke, križaljke, magične kvadrate, te mnoge igre koje su sami osmislili, ili već postojeće modifikovali. Predstava o brojevima za najmlađe je imala posebnu draž, a matematička patrola je provjerila znanje iz tablice množenja. Testirali su i svoje drugare ali i odrasle, te na taj način preuzeli ulogu učitelja. Svi sudionici su dobili prigodne nagrade, a oni uspješni i MT expert certificate. U projekt se uključilo 7391 škola širom svijeta, a OŠ „Sokolje“ je jedna od 3 škole iz Bosne i Hercegovine, koja je dobila licencu za organizovanje i realizaciju takmičenja sa svojim učenicima, pod vodstvom nastavnice Idmire Šabanović.



OBILJEŽILI SMO

Dan maternjeg jezika
21.12.2023.

Povodom obilježavanja Dana maternjeg jezika učenici VII-3 i VII-4, pod mentorstvom nastavnice bosanskog jezika i književnosti Havke Ahmetović – Velić, a u saradnji sa bibliotekarkom škole, podsjetili su na važnost učenja i očuvanja bosanskog jezika kako kroz nastavu tako i u svakodnevnoj komunikaciji sa starijima a i onim najmlađima. Na školskom holu je upriličena izložba važnih djela-svjetonika našeg maternjeg jezika koja svjedoče, čuvaju i podsjećaju na vrijednost pisane riječi kao i ustrajnom vraćanju knjizi, najodanijem prijatelju svakog tragača za znanjem.



Dan ružičastih majica
22.2.2024.

Učenici VIII i IX razreda, zajedno sa članovima Vijeća učenika, zaokružili su niz aktivnosti koje su tokom mjeseca februara realizovane u našoj školi povodom obilježavanja Međunarodnog dana borbe protiv vršnjačkog nasilja. Realizovali su radionicu „Sedam šešira“.

Radionica je realizovana na principu tehnike 6 šešira sa dodatkom sedmog-ružičastog šešira. Svoj doprinos radionici dali su i najmlađi, učenici II i III razreda koji su kroz crteže i poruke uputili iskrene želje i nadu da će naša škola biti sigurno, sretno mjesto sa nultom stopom tolerancije na nasilje. Završna aktivnost realizovana je pod mentorstvom Idmire Šabanović, Arijane Alispahić, Hurije NaloEmine Šljivo i Raseme Hasanspahić.

Dan broja Pi
14.3.2024.

Divan dan broja π proslavili smo na rođendanskoj radionici, u kojoj su učestvovali učenici osmog i devetog razreda sa svojom nastavnicom matematike Idmirom Šabanović. Formirane su π -stanice, kroz koje su učenici prolazili i na razne načine se upoznali sa ovim zanimljivim brojem. Održano je i takmičenje u pamćenju decimala broja π .

Osam učenika se prijavilo, a najviše decimala je zapamtio učenik osmog razreda Sarvan Eldar, koji je zapamtio 86 decimala.



Svjetski dan voda
22.4.2024.

Cilj Svjetskog dana voda je da se podigne svijest o tome da 2 milijarde ljudi nemaju pristup pitkoj vodi. Povećanje potrošnje vode zbog urbanizacije i industrijalizacije, dovelo je do povećanja količine otpadnih voda koje se ispuštaju u prirodne vodne sisteme.

Kako bi obilježili Svjetski dan voda u holu naše škole je održano predavanje koje je realizovao nastavnik Muamer Dolovac, u saradnji sa nastavnicama biologije Sanelom Skenderi i Aminom Balaš.

Ovogodišnja tema je “Voda za mir”. Na ovaj dan je ključno prepoznati važnost ovog najdragocijenijeg resursa. Programu su se priključili i članovi sekcije “Mladi ekolozi” koje je pripremila učiteljica Zulejha Kopic.





U S P J E S I



Općinsko takmičenje u atletici 11.10.2023.

U okviru projekta Atletskog kluba Novi Grad Sarajevo „Postani atleta“ održano je općinsko takmičenje u atletici za učenike osnovnih škola. Učenici naše škole u ekipnom plasmanu zauzeli su 1. mjesto. Pojedinačno, učenici su postigli odlične rezultate:

Omeragić Adel – 60m – 1. mjesto
 Đuliman Zana – 60m – 2. mjesto
 Imamović Ahmed – 60m – 3. mjesto
 Šahmanija Ensar – 200m – 1. mjesto
 Bašić Merjema – 200m – 2. mjesto
 Hasović Elmin – 200m – 3. mjesto
 Hodžić Nejla – bacanje kugle – 1. mjesto
 Kaltak Alsan – bacanje kugle – 3. mjesto
 Čestitke našim učenicima i nastavniku Šetić Muhamedu koji ih je pripremao.



Turnir u malom nogometu 13.12.2023.

13.12.2023. godine održan je turnir u malom nogometu “Čarlama Kids”. Učenik naše škole Osmanagić Vedad bio je najbolji igrač turnira i osvojio vrijednu nagradu – bicikl.



Turnir u malom nogometu 21.12.2023.

U dvorani “Ramiz Salčin” održan je turnir u malom nogometu “Nedim Škamo i saborci” u organizaciji Udruženja “Maloljetni borci ARBiH Općine Novi Grad”. Učenici naše škole zauzeli su prvo mjesto bez primljenog pogotka. Učenik naše škole Amel Sirčo je bio najbolji strijelac turnira.



Zimski atletski miting 27.12.2023.

U dvorani Zetra održan je 2. Zimski dječiji atletski miting . Učenik naše škole Amer Sirčo zauzeo je drugo mjesto.



U S P J E S I

Revija kulturno-umjetničkog stvaralaštva
6.3.2024.

Hor i orkestar naše škole na općinskom takmičenju osvojio je 1. mjesto i plasirao se na kantonalno takmičenje. Čestitke našim učenicima i nastavnici Emili Čatović.



Općinsko takmičenje u stonom tenisu
18.3.2024.

Naša škola bila je domaćin 14. općinskog takmičenja u stonom tenisu za učenike novogradskih škola. Naši učenici zauzeli su ekipno prvo mjesto. Drugo mjesto je OŠ "Aleksa Šantić", a treće mjesto OŠ "Avdo Smailović".

Pojedinačno učenici su postigli sljedeće rezultate:

Dječaci:

1. mjesto Kurtović Hamza – OŠ "Avdo Smailović"
2. mjesto Podrug Vedad- OŠ "Sokolje"
3. mjesto Šimić Andrej – OŠ "Osman Nuri Hadžić "
4. mjesto Kopic Harun – OŠ "Sokolje"

Djevojčice:

1. mjesto Žiga Sara – OŠ "Sokolje"
2. mjesto Šobot Inga – OŠ "Aleksa Šantić"
3. mjesto Salkić Džana– OŠ "Aleksa Šantić"
4. mjesto Nokto Šejla – OŠ "Sokolje"

Bravo



Općinsko takmičenje u odbojci
21.3.2024.

U dvorani "Ramiz Salčin" održana je završnica turnira na općinskom takmičenju u odbojci za djevojčice i dječake. Učenici naše škole zauzeli su drugo mjesto u obje konkurencije i tako će kao jedina škola sa područja naše općine imati predstavnika u obje kategorije na kantonalnom takmičenju.

Čestitke našim učenicima i nastavniku Šetić Muhamedu.





U S P J E S I



Općinsko takmičenje iz predmeta Tehnička kultura 12.4.2024.

Danas je održano općinsko takmičenje iz predmeta Tehnička kultura. Naši učenici su ostvarili odličan rezultat.

Ekipa naše škole: Grabovica Adna, Korda Sedin, Husejnović Leila, Bosno Sarah i Ahmetagić Eman osvojila je 1. mjesto i plasirala se na kantonalno takmičenje. Čestitke našim učenicima i njihovim mentorima, nastavnicima Huriji Nalo i Višnjić Safetu.



Općinsko takmičenje iz Prve pomoći 20.4.2024.

U prostorijama JU OŠ "Behaudin Selmanović" održano je općinsko takmičenje iz Prve pomoći. Ekipa naše škole: Sarah Bosno, Nađa Avdagić, Adna Čovrk, Naida Sinanović; Arduana Hubijar i Džejna Ešpić osvojila je 1. mjesto i time stekla pravo učešća na kantonalnom takmičenju. Čestitke našim učenicima i nastavnici Saneli Skenderi.



Kantonalno takmičenje u odbojci 26.4.2024.

U Sportskoj dvorani "Goran Čengić" je upriličena dodjela pehara i medalja za pobjedničke ekipe na kantonalnom takmičenju u odbojci. Ženska ekipa naše škole osvojila je 3. mjesto. Čestitke našim učenicima i nastavniku Šetić Muhamedu.



Kantonalno takmičenje iz predmeta Tehnička kultura 26.4.2024.

Na kantonalnom takmičenju iz predmeta Tehnička kultura naši učenici pojedinačno su ostvarili odlične rezultate. Ekipa naše škole: Grabovica Adna, Korda Sedin, Husejnović Leila, Bosno Sarah i Ahmetagić Eman osvojila je 1. mjesto. Čestitamo našim učenicima, kantonalnim prvacima i njihovim mentorima nastavnicima Huriji Nalo i Višnjić Safetu.





U S P J E S I



Kantonalno takmičenje iz pružanja prve pomoći 27. 4. 2024.

U JU "Srednjoškolski centar Vogošća" u Vogošći realizovano je 26. Kantonalno takmičenje iz pružanja prve pomoći ekipa osnovnih i srednjih škola. Ekipa naše škole: Sarah Bosno, Nađa Avdagić, Adna Čovrk, Naida Sinanović; Arduana Hubijar i Džejna Ešpić osvojila je 2. mjesto. Čestitke našim učenicama i nastavnici Saneli Skenderi.



Kantonalno takmičenje iz predmeta Bosanski jezik i književnost 7.5.2024.

Našu školu uspješno je predstavila učenica Sarah Česko u kategoriji sedmog razreda. Učenicu pripremala nastavnica Amra Bajrić. Učenica naše škole Sarah Bosno je u jakoj konkurenciji među 67 takmičara u kategoriji osmog razreda zauzela sjajno 12. mjesto. Učenicu je pripremala nastavnica Edisa Čolaković-Alajmović.



Općinsko takmičenje iz atletike 15. 5. 2024.

Na općinskom takmičenju iz atletike učenici naše škole ostvarili su odličan rezultat u pojedinačnim disciplinama:

Šišić Alem - 1000m - 2. mjesto

Omeragić Ahmedin - bacanje kugle - 2. mjesto

Čestitke Ahmedinu i Alemu i nastavnicima Šetić Muhamedu i Hebibović Dženanu.



Revija kulturno-umjetničkog stvaralaštva 17. 5. 2024.


Na kantonalnom takmičenju vokalno - instrumentalne muzike hor i orkestar naše škole osvojio je 2. mjesto. Čestitke našim učenicima i nastavnici Emili Čatović.



O BOSANSKOM NA BOSANSKOM

Bosanski jezik spada u južnoslavenske jezike, kao dio širega srednjojužnoslavenskoga dijalekatskoga sistema, koji čine nekoliko većih dijalekatskih grupa. Južnoslavenski jezici pripadaju užoj porodici slavenskih jezika, a slavenski jezici su dio velike indoevropske jezičke zajednice.

BOSANSKI JEZIK U PORODICI INDOEVROPSKIH JEZIKA



STAROSLAVENSKI JEZIK KAO PRETEČA SAVREMENOG BOSANSKOG JEZIKA



PISANI SPOMENICI SREDNJOVJEKOVNE BOSNE I HUMA – SVJEDOCI POVIJESNOG KONTINUITETA BOSANSKOG JEZIKA

HUMAČKA PLOČA predstavlja natpis na kamenoj ploči koji je uzidan u franjevački samostan u Humcu kod Ljubuškog. Pretpostavlja se da je napisana u X ili XI vijeku. Pisana je na starobosanskom jeziku i ranim oblicima bosanskog pisma- bosančice, a sadrži i pet glagoljskih slova.

POVELJA KULINA BANA najstariji je pisani spomenik na bosanskom jeziku svjetovnog karaktera. Napisana je 29. avgusta 1189. godine i upućena je Dubrovčanima. Njome ban Kulin dopušta Dubrovčanima slobodno kretanje po Bosni i garantuje im punu sigurnost. Original Povelje nalazi se u biblioteci Akademije nauka i umjetnosti u Peterburgu., a njezina kopija čuva se u Dubrovačkom arhivu.

NATPISI NA STEĆCIMA su, prije svega, epitafi, natpisi na nadgrobim spomenicima, čuvenim stećcima. Pisani su bosančicom, a samo u rijetkim i izuzetnim slučajevima glagoljicom, odnosno poluoblom bosanskom glagoljicom. Umjetnost stećaka, pa tako i njihova pismenost na bosančici, razvija se i traje u vremenu od XIII do XVI vijeka. Najstarija žarišta stećke pismenosti nalaze se u starom Humu i srednjoj Bosni, a treći centar te pismenosti je okolina Vidoške (današnjeg Stoca).

U svakom jeziku, pored domaćih, postoji određen broj riječi koje su primljene iz drugih jezika. Tako je i u bosanskom jeziku.

GERMANIZMI

gimnazija
kifla
pegla
matura
trafika
paradajz
auspuh
ceker
flaša
friško
keks
klavir

LATINIZMI

akvarij
korist
datum
decimala
edukacija
globus
humanizam
kopija
diploma
medalja
nota
emocija

ORIJENTALIZMI

avlija
bujrum
čorba
džemper
limun
nafaka
mahala
srklet
sokak
šeher
aščinica
džaba



ABDULAH SIDRAN

Abdulah Sidran, bosanskohercegovački pjesnik, pisac i scenarist preminuo je 23.3.2024. godine u 80. godini života. Iza sebe je ostavio neizbrisiv trag u umjetnosti Bosne i Hercegovine.



Abdulah Sidran je rođen 1944. godine u Sarajevu. Ovaj istaknuti pisac, pjesnik i scenarist ostavio je neizbrisiv trag u književnosti Bosne i Hercegovine. Njegove rane zbirke poezije, poput "Stihovi" i "Koferi ljubavi", odmah su privukle pažnju čitatelja svojom autentičnošću i introspektivnom snagom. Sidranovo stvaralaštvo odlikuje se suptilnom mješavinom lirike i stvarnosti, oslikavajući složenost ljudskih emocija i životnih izazova. Međutim, Sidranova slava ne leži samo u njegovoj poeziji, već i u njegovom nevjerovatnom doprinosu filmskoj umjetnosti. Kao scenarist, Sidran je radio na nekim od najvažnijih ostvarenja bosanske kinematografije, uključujući klasike poput "Otac na službenom putu" i "Sjećaš li se Dolly Bell?". Njegova sposobnost da kroz scenarije prenese duboke društvene i ljudske teme osigurala mu je međunarodno priznanje i poštovanje. Ipak, možda je najupečatljiviji dio Sidranovog naslijeđa njegova neumorna borba za slobodu izražavanja i ljudska prava. Tokom turbulentnih godina ratnih sukoba u Bosni i Hercegovini, Sidran je ostao neumoljiv u svojoj kritici nasilja i nepravde. Njegova hrabrost da se suprotstavi represiji i mržnji postala je simbol otpora i nade za mnoge. Njegove riječi ostaju relevantne i inspirativne, podsjećajući nas na snagu umjetnosti da premosti jaz među ljudima i donese svjetlo u najmračnijim vremenima. Sidranova životna priča podsjetnik je na to kako jedan čovjek, sa vizijom i hrabrošću, može ostaviti neizbrisiv trag u svijetu.

HOĆE LI IŠTA O MENI ZNATI

Hoće li išta o meni znati onaj
što noću će, uz lampu i mrak uokolo,
ove redove čitati?

Hoće li čuti drhat, i strepnju
srca koje misli, dok biskao bude
slovo svako i redak, ko brižna majka
kosu dječiju, češljem najgušćim?


Hoće li išta, išta, uistinu znati?

Il jedna će pustoš
u domu njegovom da zjapi i sja,
nad stolom i knjigom, dok sabran,
i težak od tuge, svoje,
ovu moju bude razgrtao,
vlat po vlat,
mrak po mrak?

Sidran je nagrađivan najznačajnim priznanjima. Dobitnik je Šestoaprilske nagrade Sarajeva, Godišnje nagrade Udruženja književnika BiH, Zmajevе nagrade, Nagrade slobode PEN-centra Francuske. Poezija mu je prevedena na njemački, francuski i italijanski jezik.



Sidran je bio i član Akademije nauka i umjetnosti Bosne i Hercegovine i majstorski kandidat u šahu.

**POPREČNO:**

1. Ko je napisao roman "Ruža"?
4. Drugi padež
7. Sinonim govoriti
10. Fotografija
12. Glavni grad Norveške
14. Drugi samoglasnik abecede

DOLJE:

2. Sinonim domovina
3. Glavni grad BiH
5. Najkraći mjesec u godini
6. Književno djelo C. Collodija
8. Zemljin pratilac
9. Strofa od četiri stiha
11. Strana svijeta
13. Skraćeno Kanton Sarajevo

ZAGONETKE

Ja sam skromna i malena, u travi sakrivena. Ali nakon kiše dignem glavu više.

Ljudi ga kupuju kako bi jeli, ali nikad ga ne pojedu.

Pripada tebi, a upotrebljavaju ga ostali.

ZABAVNICA

SUDOKU

5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

	2			8			7	
4	7				9			
					3	5	2	
	9	2	3			1		
	1			7			3	5
		7	9		5	6		
7		4				2		6
			6	3	4			
6				9			5	3

U svaki red i svaku kolonu kvadrata 9x9 potrebno je upisati brojeve od 1 do 9 tako da se oni ne ponavljaju. Isto tako, u malim kvadratima 3x3 (kojih ima ukupno 9) treba upisati brojeve od 1 do 9 bez ponavljanja.

OSMOSMJERKA

h g z i e m x b
o l o v k a l h
x b i s u č a w
r s l s r e v a
u g s a i c a f
t v v a k c b m
x n i i f o a l
s i g f r k z k

OLOVKA

MAČ

OBLAK

LISICA

RUKE

ZABAVA

BOR

PREDSTAVLJAMO SEKCIJE

PRVA POMOĆ

Sekcija Prve pomoći u našoj školi datira od 2006. godine pa do danas. Na časovima sekcije učenici stiču znanje iz pružanja Prve pomoći, kako pristupiti povrijeđenoj osobi kada se zateknu u nepredvidivoj i opasnoj situaciji. Cilj sekcije Prve pomoći je spašavanje života, sprječavanje nastanka komplikacija kod povrijeđene osobe. Učenici stiču vještine poput jačanja samopouzdanja, kako ostati smiren u hitnim slučajevima, uče se ljubaznosti i spremnosti kako pomoći drugima. Od velikog značaja je i kako pružiti psihološku podršku kod emocionalno ras-trešenih osoba u teškim situacijama. U rad sekcije su uključeni učenici sedmog, osmog i devetog razreda. Iz godine u godinu učenici naše škole nižu vrhunske rezultate zauzimajući prvo mjesto na općinskim takmičenjima koje organizuje Crveni križ Općine Novi Grad. Uspjeha ne manjka ni na Kantonalnim

takmičenjima gdje su naši učenici postizali velike uspjehe, pod vodstvom nastavnice biologije Lejle Podbićanin. Od ove, 2023/24. školske godine sekciju je preuzela nastavnica biologije Sanela Skenderi.



Ekipa naše škole: Sarah Bosno, Nađa Avdagić, Adna Čovrk, Naida Sinanović, Arduana Hubijar i Džejna Ešpić

NASTAVNICA SANELA SKENDERI

TEHNIČKA SEKCIJA

Tehnička sekcija broji 20 članova a voditelj sekcije je nastavnica Hurija Nalo. Sekcija se odvija u otvorenom terminu dostupnom svim učenicima a krasi je praktična primjena znanja. Oblasti koje su zastupljene u okviru sekcije su:

- građevinska tehnika,
- mašinska tehnika,
- elektrotehnika,
- elektronika i mnoge druge.

U okviru sekcije organizuje se i takmičenje gdje učenici imaju priliku da pokažu znanje ali i praktične sposobnosti i kreativnost. Učenici tehničke sekcije redovno učestvuju na općinskim i kantonalnim takmičenjima i postižu značajne rezultate a pored toga, uređenje enterijera i eksterijera škole pričinjava im veliko zadovoljstvo.

Na općinskom i kantonalnom takmičenju iz predmeta Tehnička kultura naši učenici pojedinačno su ostvarili odlične rezultate. Ekipa naše škole: Grabovica Adna, Korda Sedin, Husejnović Leila, Bosno Sarah i Ahmetagić Eman osvojila je 1. mjesto na općinskom i kantonalnom takmičenju.



NASTAVNICA HURIJA NALO

PREDSTAVLJAMO SEKCIJE

HOR I ORKESTAR

Školski hor i orkestar u našoj školi formiran je na samom početku rada škole. Kroz godine, hor i orkestar je privukao veliki broj učenika, obično između 60 i 70, a mnogi od njih su postigli značajne uspjehe u muzici.

Aktivnosti hora i orkestra su sastavni dio Nastavnog plana i programa za predmet Muzička kultura i planirane su Godišnjim planom i programom rada škole. U svakoj školskoj godini, hor i orkestar svojim nastupima daju puni doprinos u obilježavanju svih društvenih i kulturnih manifestacija u samoj školi, te u užoj i široj društvenoj zajednici. Tako smo samo u ovoj školskoj godini do sada imali 7 nastupa. Osim toga, ostvarili smo značajne rezultate na općinskim i kantonalnim takmičenjima na Reviji KUS-a u organizaciji Ministarstva za odgoj i obrazovanje KS.



„Ponosni smo na ostvarene rezultate, posebno na osvojeno prvo mjesto na općinskom i prvo mjesto na kantonalnom takmičenju na Reviji kulturno – umjetničkog stvaralaštva 2017. godine, drugo mjesto na općinskom i treće mjesto na kantonalnom takmičenju 2023. godine, kao i na prvo mjesto na općinskom takmičenju i ove, 2024. godine. Nadam se da ćemo ubuduće, kao i do sada, uspješno predstavljati našu školu.“

NASTAVNICA MUZIČKE KULTURE EMILA CATOVIĆ, prof.

ODBOJKAŠKA SEKCIJA

U našoj školi odbojkaška sekcija egzistira od 2006. godine. Škola ima mušku i žensku odbojkašku ekipu. Cilj sekcije je usvajanje i usavršavanje svih elemenata u odbojci, te razvijanje i unaprjeđenje psihomotoričkih sposobnosti učenika. Kroz rad sekcije i pripreme za takmičenja kod učenika se razvija svijest o usvajanju navika redovnih tjelovježbi, pravilnom rastu i razvoju, čuvanju zdravlja, te razvijanju timskog rada i zdrave konkurencije.

Odbojkaška sekcija naše škole na različitim takmičenjima postiže zavidne rezultate.

Spomenut ćemo da smo u prošloj školskoj godini na općinskom takmičenju zauzeli 3. mjesto sa ženskom ekipom, a sa muškom ekipom 1. mjesto. Ekipa je na kantonalnom takmičenju zauzela 3. mjesto. U ovoj školskoj godini ženska ekipa je osvojila 3. mjesto na kantonalnom takmičenju.



Odbojkaška ekipa škole:

Muška ekipa: Sirčo Amel, Sirčo Amer, Avdić Benjamin, Žigo Alden, Džindo Hasib, Jugović Eldin, Jašarević Amel, Mujezinović Tarik, Podrug Vedad, Šišić Alem, Hasović Elmin, Tiro Edin.

Ženska ekipa: Rizvanović Amela, Korda Sara, Mršo Sajra, Jusupović Ahlimana, Tiro Aida, Hodžić Edna, Brezac Ilda, Korda Amna, Kulovac Anida, Devedžija Nejla, Salihović Adna, Muratović Alma

NASTAVNIK MUHAMED ŠETIĆ



www.ossokolje.edu.ba